


西天目山志

漢書門	
二 三 六 二	一 三 九 二
類	號
函	架
六	冊

三  
缺  
古  
今  
詩



內閣文庫	
二 九 二 函	二 三 六 二
類	號
冊	架
六	冊

內閣文庫	
番號	漢 2362
冊數	6 ( 5 )
函號	292 53



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



西天目山志

西湖守孫昌裔子長父輯

郡丞徐文龍田仲父  
司理陳懋德維立父  
核




陶潛

問來使

爾從山中來早晚發天日我屋南窓下今生幾叢菊  
薔薇葉已抽秋蘭氣猶馥歸去來山中山中酒應熟

唐

西天目山志 詩一



釋浩然

冬日天目西峯過張鍊師

振衣逢野泉漸見樓閣所坎坎山下聲幽幽林中語  
仙鄉何代隱鄉服言亦楚開冰洗藥苗掃雪候山侶  
零葉聚疎籬幽花積寒渚冥冥孤鶴性天外思輕舉  
顧況

贈西峯禪師

獨在西峯頂年年閨竹房定中無弟子人至爲焚香  
張籍

寄西峯僧

松脂水涓涓夜涼人未眠西峯月猶在遙憶艸堂前  
白樂天

新婦石

堂堂不語望夫君四眸無居石作隣蟬鬢不梳千載  
髻蛾眉長掃萬年春雪爲鉛粉憑風傳霞作臙脂仗  
日勻莫道巖前無寶鏡月明依舊照夫人

徐凝

望江石

登巖背山阿立石秋風裏隱見淞江濤一尺東溝水  
僧靈一

天池

昨夜雲生天井東春山一雨幾回風林花迸逐溪流  
去欲上龍山道不通

宋

蘇軾

雷神宅

唐道人言天月山上俯視雷電但聞雲中如嬰兒殊不聞雷震也

已外浮名更外身區區雷雨若為神山頭只作嬰兒  
語無限人間失著人

贈莘老

天目山前綠浸裾碧蘭堂下看銜鱸作堤捍水非吾

事閑送茗溪入太湖

於潛令刁同年野翁亭

山翁不出山溪翁長在溪不如野翁來往溪山間上  
友麋鹿下鳧鷖問翁何所樂三年不去煩推擠翁言  
此間亦有樂非絲非竹非娥眉山翁醉後鐵冠落溪  
女笑時銀櫛低我來觀政問風謠皆云吠犬足生羗  
但恐此翁一旦舍此去長使山人索莫溪女啼

中峰

贊高峰和尚

這箇老和尚到處沒此樣一種沒巴鼻只是難近向

生鍊鑄脊骨剛健尤倔強坐斷死關三十年毒惡聲  
名走天壤丹青寫渠入畫圖大似藕絲牽白象  
失名

望夫石 一名新婦石

雲鬟煙鬢與誰期一去天邊更不歸還似九嶷山下  
女千秋長望舜寒衣

洪咨夔

天目山房

門巷蕭然雀可羅藏書萬卷自研磨懶尋玉女登西  
嶽甘伴金仙坐補陀書帶草長塵慮少鉢曇花放道

緣多酒看問字如相過引道松間不用呵

又答景陽

朝家久設禮爲羅小寄禪窓共講磨紅錦障泥飛驥  
裏黃金寶校設盤陀水菴薦飯鄉風古雪汁烹茶雅  
道多領取禪傳心法去會將佛祖一時呵

再用前韻

烟霏深處萬山羅開裏工夫歲月磨上採緯書乾鑿  
度下搜雜志薛延陀手披不厭薰沉水心悟何妨涉  
貝多若問尊經閣中事南豐存記也須呵

元

錢思復

左轄吳公禱雨天目山有感

乾坤亢旱兵塵後廊廟深憂歛畝閭千里西成望其  
澤白靈前導謁名山清秋雲雨蛟龍窟白日雷震虎  
豹關俄頃神功廻造化作霖未許老臣閑

達魯花赤

奉旨禱雨龍池

鍾山儔昔愧移文俗駕寧容更浹辰忽訝片雲池上  
起元來却是雨畱人

雨足後復降旨來謝

萬山深處又重來天目雲頭未放開盡喜山田秧祀  
種那憂石徑濕莓苔鐵冠道士今何在玉局仙翁又  
不回惟有洞中龍應禱果能因旱起風雷

趙西臯

題西天目

天目山前分兩乳一脈西來纏右股迴流疑是武陵  
源入山絕似盤之阻層巒隱隱入霄漢從此去天纔  
尺五飛泉匯作千丈潭中有蛟龍潛水府玉芝瑤草  
淨如拭不見塵寰一杯土三神山遠未易到洞天只  
在溪之滸道人晏坐凝不動一榻雲烟幾寒暑乍逢

西天目志  
詩七

佳客喜迎頰上山下山若飛虎龜腹燕領好顏色鳧  
鳥御風輕步武蘋蘩蘊藻盈頃筐砧几羶羶不登俎  
麻劉顛蹶問不知那識人間有眷組嗟予碌碌退不  
勇竊食太官無寸補回頭四十九年非白髮手搔今  
可數山禽喚我歸去來口未及言心已許長安冠蓋  
多豪傑誰肯論交到爾汝

李穎

贈西峰孫路

天柱與天目曾居絕頂芳青雲求祿晚白日坐家長  
氣通潮信窻風引海涼平生詩稿在老達亦何妨

方九敘

登天目山

勝地傳浮玉前朝此布金龍湫懸雨急鳥路入雲深  
萬仞鍾靈炁三秋愜賞心塵緣促歸駕回首戀東林

高峰禪師

題鶴山

一山高突兀百里去城闈老翠掛清曉華滋積富春  
江空潮勢遠雲破月痕新對此忘情者林間有幾人

中峰禪師

真際亭

高亭結構標真際體共雲林一樣閑山勢倚天忘突  
兀水聲投澗自潺湲伽陀迥出言詞外海印高懸宇  
宙間佇看凭欄人獨醒又添公案入禪關

其二

鳳舞龍飛甲冑山振衣直上費高攀層層石磴深雲  
鎖隱隱禪林盡日閑自古名流多駐蹕昔年王氣亦  
相關從前不涉高巔處寧識東溟指顧間

明

高 啟

幻住精舍尋梅

郭西雪後尋僧院短竹穿沙水如練梅花有待我來  
催十日春寒未開遍忽思前日渡沃水夜解征帆宿  
山縣偶逢一樹在官廨爲寫新詩水蒲硯關山夢別  
今五年縞袂誰家月中見日慚喪亂尚飄泊淚眼如  
看故人面黃昏酒醒逐寒影繞樹千回意無倦南枝  
北枝亂如雪未許東風吹一片名園桃李盡荆榛空  
谷獨開君莫怨重來省視兩何如惆悵歸時有餘戀

石屋

雙崖立幽關一洞開深宇青嶂近爲隣白雲閑作主  
不受杜陵風可避河朔暑華棟幾回新渠渠獨千古



宿幻住棲雲堂

窓外鳥聲曉殘鍾度溪水此時幽夢迴獨在空山裏  
松岩畱佛燈葉地響僧履餘心方湛寂無使羣動起

遊西塢

空山啄木聲敲鏗花落水流縱復橫松風吹壁鶴翎  
墮梅雨過溪魚子生尚有人家機杼遠更無塵土衣  
裳輕斜陽已沒月未出樵子歸時吾獨行

呈天目山高峰和尚

冷坐深雲裏巖扉盡日扃齊眉髮半白信口語多靈  
入定山神護談禪野鹿應何時香一片夜雪清中庭

送明本上人遊方兼寄蔣山中禪師

忽忽離天目遙遙問石頭如何當九夏獨自上孤舟  
瑞必乘時出身須爲道謀謝郎今老大月下正垂鈎  
寄天目山雍長老

天目之山青岩堯道人縛屋青山椒白雲出山不歸  
去春風吹老黃精苗

徐賁

晚過西崦費氏別業贈明天目長老

烟光暗墟落澗道入層層不訪中林寺那逢西崦僧  
山厨將具黍隣屋爲分燈自覺行來倦清談遽弗勝

劉基

登獅子巖作

落日下前峰輕烟生遠林雲霞媚餘姿松栢澹清陰  
振策縱幽步披榛涉層岑槿花籬上明莎雞中間吟  
涼風自西來颼颼吹我襟榮華能幾時搖落方自今  
逝川無停波急弦有哀音顧瞻望四方悵焉愁思深

李德

宿雲封庵

眾壑忽已曠遠近響清湍山中對僧定踈雨掩柴關  
柳暗猿猱集氣交風雨寒攬衣中夜起蘿月在岩端

彭年

登天日絕頂

天目高何極捫蘿獨上躋江連餘地少天壓亂山低  
玄覺秋增爽幽探曉欲迷嘗時有靈草須此薦刀圭

阮子孝

宿重雲庵

煙蘿小徑通一室掛雲中樹影暗浮水秋聲半在空  
疎鐘天際月孤榻竹邊風竟夜渾無寐清談對遠公

李應徵

天目途中

殘日漏雲孤層陰水上扶不知今夜月還照兩峰無  
霽色心同遠秋容病與俱自知非俗駕肯共北山逋  
自浪口出獨松塢望兩目

盡日行秋塢青山不問名及樹平秋色觸石換溪聲  
一徑通疑塞雙峰隱復明依稀昔游路漸向翠微生  
張振先

遊天目山

徑入珠林九折遙峰峰矗立倚雲霄半泓雪色鱗堪  
數絕巘棲雲鶴可招瀑布寒飛天目雨松濤夜雜浙  
江湖桃源咫尺通仙路流出胡麻過石橋

馮夢禎

天目山觀瀑布

仙源不可見懸水鳴日夕隱隱何轟轟直下數百尺  
天地豈有初潺湲何時息此聲非水生非從石間出  
水石兩無功豈是虛空力如聲色已然觀出安可得  
欣然二三子宴坐談秘密山僧送酒來且共開涓滴

登天目過雨

霧雨連朝甚淒淒生旅愁四山惟一色不復辨林丘  
索酒攀高磴焚香坐小樓蕭然對知己信宿且淹留

看雲

幾點生林麓須臾一望同從橫非有意出沒不離空  
萬壑虛無裏千山寂寞中乍飛紫落照忽斷映長虹  
迢遞依初月徘徊傍晚風杖藜欣看汝描寫恣天工

禮高峰塔

禪室層巖上雲霞與柱撐空傳獅子吼不見象王行  
遺鉢留僧舍全身入化城我來瞻禮竟心地恍然明

鄒德溥

登西目

萬里長風送玉槎徜徉鷲嶺白雲賒朝撐托鉢聞天  
笑夕踏盤陀轉日車清澗三山青海月崖標千仞赤

紫霞已知大地渾燈景不向空門問法華

彭輅

天目山對雪

煙林帶長岫雲暝雪爭飛倚樹浮瑤葉看山失翠微  
冰堅龍欲臥谷遠鳥常飢石壁孤僧在寒光上衲衣

王寵

幻住菴

春水抱林流綠源曲徑幽石牀喧鳥覆霖雨法雲游  
寶思虛空發玄機岡象求憑將百年計長此託靈丘

茅坤

寄獅子禪院頭陀

古來獅子院碑臥不知年此日頭陀過忽開卓錫緣  
浮生俱屬幻我亦欲逃禪削髮空山裏雙稱面壁仙  
同客游天目山忽爾風雨題詩唁之  
不堪風雨如名山複道仙靈晝閉關七寶莊嚴新望  
幸千峰縹緲隔游攀幔亭半隱松蘿外鬼谷應藏煙  
霧間我向林中投弔艸客星未許厭塵寰

袁燁

九日望天目

訪勝來天目秋高桂子芬落霞追去鴈古木掛斜曛

謾有東山興寧從康樂羣山靈應笑我六載始相聞

登天目

登高酬夙願秋雨喜新晴雲淨雙眸闊風微一騎輕  
機忘山鳥狎性定晚蟬鳴不盡游觀興凭樓待月明

蔣梁

遊天目

吳越推尊第一山羣峰擁翠薜蘿環風迴曲澗泉飛  
急洞鎖長春籟自閑步舉影隨銀漢上嘯歌聲在碧  
雲間躋攀不覺如仙蛻笑指江湖越兩關

獅子禪院

乘閑來古剎筠樹拂清芬界靜塵無蹟龍歸鉢有雲  
瓊花空外落天籟寂中聞安得長吟在相朝駐晚曛  
田汝成

送月松上人遊天目

中峰遊幻跡逢爾去傳衣相送臨秋水歸來掩夕扉  
杖頭黃葉落溪上白雲飛悵望松間月還思靜者依

駱文盛

天目山昭明寺

石徑岩巖上禪關窈窕通鳥蹄青嶂口人臥翠微中  
洗若三天近悠然萬慮空何當稅塵鞅於此寄幽蹤

宿紫陽宮望天目諸峰

何處覓仙踪山行路幾重迷途問樵客落日到玄宮  
竹几爐煙裊松窓茗碗供夜深渾不寐興已在雲峰

白雲堂

白雲堂上白雲凝爽氣清秋快一登蘿磴遠攀無俗  
韻竹窓高臥有閑僧詩留舊墨情多慨節近重陽興  
劇增總爲黃花能滯客曲闌搔首幾沉吟

徐渭

立玉亭

山當崖斷孤亭立竹樹迴環翠萬層倒看夕陽深澗

底不知雲外有歸僧

仙杖峰

脚下芙蓉千萬峰  
丹梯玉杖凌天風  
仙棊局散無人到  
斜日蒼雲鎖秘宮

送溇南山人游天目兩山

翻經臺榭落花邊  
古路迢迢入紫煙  
踏斷溪聲與山色  
春風依舊杖藜前

其二

振衣曾看祖庭花  
路轉西峰日已斜  
獅子巖頭春未老  
正應分付與丹霞

禮中峰塔

玉柱峰高生翠寒  
寶龕丹几一燈懸  
萬方龍象袈裟下  
百億山河拄杖前  
幻住早知心已了  
活埋猶喜法無傳  
瓣香合爪東風裏  
一夜梅花月在天

谷與山自天目見寄

繞出山來又入山  
清風金錫振鳴環  
談餘花鳥春生座  
定起松蘿月上關  
徹底窮心寧有得  
到頭無事不成閑  
曾聞夢入西方國  
拾得虛空欄柄還

登天目

絕壁精藍霄漢間  
天教神物護林巒  
諸峰散落青蓮

小一氣平浮玉海寒  
寶樹風迴春浩蕩  
祖燈星並夜  
關干禪林回首悲秋暮  
瑞綵空教憶鳳翰

宗臣

贈于與尊人

天目三千尺西南第一峯  
瀑來飛萬馬石削起雙龍  
白日江華亂青雲海色重  
行歌秋更好散髮弄芙蓉  
屠隆

獅子岩

後視突兀踞丹林  
縱有羣魔不敢侵  
捲地風颭增猛  
氣洗天雷雨助威  
音金毛摩詰香臺下  
寶珞文殊法

座臨百獸中王遁豺虎由來奮迅喻禪心

何燁

八十重登宿中峰塔

八十年來老眼寬  
秋風扶我上雲端  
千峰日出龍眠鉢  
三院風生虎嘯壇  
借榻夢回山月落  
杖藜行伴野雲開  
當年不與登賢俊  
今日禪房問懶殘

重登仙壇

山儂拍笑老登山  
老健輕輕上不難  
石磴松桐新艸綠  
莓苔屐齒舊痕斑

陳堯典



重登西峰

古寺深秋幾客行  
山巔雲盡晚峯青  
晴岬雪樹隨年老  
寒谷風林鎮日清  
石上圍棋雲鎖跡  
空中仙樂夜聞聲  
人間碌碌非吾事  
跨鶴吹簫是我情

梅守默

登天目

疊巘浮空紫翠連  
高僧閒倚碧雲天  
山深自覺無寒暑  
禪老何心紀歲年  
忽覩巒光頻結綺  
時看雲氣半爲煙  
那能跨得楊州鶴  
日日峰頭任往還

田藝衡

下東天目將注西天目道中卽事

宿雨翻成雪  
淒其山氣清  
亂峰穿日影  
空閣應泉聲  
木葉寒俱脫  
沙田煖易耕  
誰知雙日勝  
兼得小春行  
玉立亭觀猿

霜葉萬山紅  
寒猿嘯曉風  
共攀危石上  
環坐小亭中  
客淚誰能落  
僧餐自許同  
貧居煩執爨  
長憶魏元忠  
王畿

自見峰堂登天目

早起登山去  
芒鞋結束牢  
但令雙足健  
不怕萬峯高  
石磴盤空翠  
風泉洒赤霄  
無邊玉甌氣  
乘此好扶搖

宿獅子岩

柱杖緣梯上巖頭日欲斜客袍行裏露僧簞臥攤霞  
瞋色侵松影泉聲灑水花山靈邀夢去恍惚到仙家  
周之冕

登天目山

春雨滿春山迴迴鳥道間水衝千丈瀨雲鎖萬重關  
側岸松垂蓋沿溪路轉環夕陽山更好翹首欲重還  
其二

未與欲登山驅車在道間祇因紅杏雨不到白雲關  
福分緣三世襟懷空九環何須攀絕巖飛鳥倦知還

劉紹恤

登天目山值雨三首

山靈胡太忌故遣長風來黯慘日無色欹斜峰欲摧  
探奇狂客興作賦大夫才試問樵薪子烟嵐何日開  
其二

咫尺不可卽幽懷殊自憐况如千里外何但一峰前  
壁立應吾道風聲自遠天征夫休問路冥會子雲玄  
其三

不見談經侶天花墜雨絲誰慳今日興自信隔年期  
萬仞形全設中峯景更奇大觀無色相烟水故霏霏

高峯

大地從前有高僧何處來  
劈空輕萬仞飛錫住層臺  
龍鉢千年許獅巖一水隈  
那堪雲白處劫化自悠哉

王炳衡

遊天目西峰

疊翠東南美雙峰世界傳  
黃雲迷虎窟白練引龍泉  
日月金丹靜烟霞玉洞玄  
何時謝氛垢長此學神仙

吳維嶽

酌高湖庵樓中

樓翠微半玄度喜相同  
聽鳥雨聲外銜杯雲氣中

春泉鳴磻竹晚磬罷山風  
湖鏡窺諸象泠然悟一空

題中峰塔院

香殿啓天中登攀路幾重  
巖危幡蓋上橋險瀑流衝  
風雨交雙壁雲霞散列峰  
獻花馴白鹿悟道老青松  
檻動江湖色窻收楚越封  
塔珠燃暮照僧飯落晨鐘  
不信人天境芳梅二月逢

題高峯塔院

峒嶷香域共參禪繡壁千尋擁  
梵筵雲幻石巖疏鴈塔路迴  
松嶺帶僧屢齋鐘半入中峰  
月法雨初收下界烟棲息未  
能常此北一聲林鳥正依然

張懋

同霽寰比部登天目

歷險捫蘿更上尋巖花谷鳥共相迎徑行雲氣千峰  
出樹散春泉百道鳴山勢全開吳楚勝江光遙帶海  
天橫平生不盡登臨興况是仙郎結伴行

宿斷崖塔院是夕無月比部有後遊之約

繡壁蒼崖擁翠屏石房禪榻總閑情臺高駐錫山逾  
勝塔靜燈懸夜倍明枕傍星辰岩際宿風迴鐘磬兩  
中鳴峰頭月色如相待他日重期弄玉笙

宿雙清庄

纔入招提境凌虛殿法堂慈雲聯碧落慧日朗朝陽  
松滴千峰翠泉飛百道長洗心歸淨土遺世獨徜徉  
盛節

登天目重雲塔

樓上崇崗接斷虹群峰攢簇玉芙蓉松濤隱嚮風來  
往山色有無雲淡濃羽士丹成遺竈冷高僧幻化悟  
真空披雲擬步藤蘿外勝槩全收一目中

陶望齡

僧支幻

祖師錐幾楸有口元無舌借問住庵人庵中誰死活  
贈天目僧和中郎韻

萬仞空王塔三千衲子儀鳥窠新定室麈尾古松枝  
香鉢傳來是宗風唱者誰懸崖青瀑裡好爲證無師  
贈梅谷上人住山

十萬八千煙水路一千七百葛藤窠眉毛落盡芒鞋  
破埋向西巖老土坡

其二

雪花一片語當機生鍊稜稜鑄面皮莫將和雅迦陵  
舌去伴當年獅子兒

其三

孤峰獨卧老拋書片衲單丁手劖畚冬雪斷烟水斷  
溜看君一口嚼空虛

登天目絕頂

方春理遊策到山已初夏黃緣二十里亥徑不容馬  
舉趾高於肩垂頭下於踝鋸響曳喉吻喘息盡如啞  
辛勤上絕頂欲去那可舍一步一惜別倒坐藍輿下  
湯賓尹

爲正堂上人

齊齊拍手兩頭陀跳入寒巖穩舊窩爨下只留三塊

石後人來者自燒鍋

爲蓮衢上人

灶前灶後儘相安賊賊驅人穴裏攢誤認閻丘新太  
守至今饒舌罵豐干

遊天目西峰

依稀路盡不人間又得茅庵在目前絕壁形骸支老  
樹遠空音語度流泉層城直踞三生石委巷時看尺  
五天指點西方隨處是那將公案費年年

鄭善夫

雨後陪周用賓杖策尋天目觀花

風雨於潛道藤蘿古殿陰祖花傳近代理草寄遊心  
應世吾能賦探元女獨深形骸百鍊晚未免二毛侵

西來峰

名山淨業絕塵埃一柱冲霄萬笏迴南部十方弘梵  
宇西天大衆見如來化城祇樹團圞合佛國青蓮遍  
地開點化高僧衣鉢在尚留石碣染蒼苔

袁宏道

天目書所見

菩薩與凡庸不知誰正倒牛馬若率真形貌亦自好  
獨有知見人不食本分草拾他糞掃堆秘作無價宝

面上曲折多腹內安穩少坐立皆成文閑話亦打稿  
演出活法聰難瞞俊閣老

浩歌登天日峰頂

一笑廓天籠邈矣何空曠千山如藻萍點點白波上  
世界無安置虛空有等量茫茫磯虱人妍醜分何狀  
丘語之爲知舜禪之爲讓禪中閑是非甕裡狂波浪  
十年學貢高一朝色沮喪

宿幻住曉起戲題

哉袁中郎胡不侵晨起百千大世界吹作瀛海水  
公衣起視之果然雲在底彌天布琉璃山神聖乃爾

宿雙清庄贈印上人

百折琉璃沸千峰帝網羅更憂塵界少却礙嶺雲多  
說法烏成馬窮源水是波歟關真箇歟賺爾兒孫何

贈天目達泉上人

海公知道者閑雅好威儀餉客雲千斛論心棒一枝  
豈無真法友畢竟所宗誰我亦貪佛果因君乞聖師

天目山咏

高攀天目西衣上雲霧結獨立響水巖一聽一回激  
萬壑競雄流豈與廬山別松生玉柱峰根進石紋裂  
夜色閑虛堂朝暉亂雲闕露出萬峰尖重重青點雪

禮高峰塔

一具瘦骨頭號曰天人師  
曾作蕩佛威解使屠空鏈  
若崖峰二子則見而知之  
見則如此見知則作麼知  
乞師下一語爲我破佛痴

陳禹謨

登天目絕頂

玄冬十月上天目天風飄飄吹我衣  
憑虛兩腋孤雲沒絕塵萬仞飛  
鳥稀時聞松濤發海響忽有仙樂來  
紫微聞鷄起視剛夜半扶桑萬里生朝暉

喬時敏

遙望天目

想見西郊一望青乳垂  
天半聳雲屏泉聲雪噴幾及清  
澗霽色霞連十錦亭巖畔玄獅函  
佛蛻石間蒼蚪隱仙霧凭高無限  
登臨興直欲騫鸞扣紫冥

周延光

中峰塔眺望

禪關杳靄落踈鍾老衲焚香禮梵容  
悟道孤松空翠遠叅天雙樹綠陰濃  
山連吳越雲千里日映葱菁影萬重  
舉目直趨沙界外茫茫大海總朝宗

吳伯與



游西天目

鼓興尋山不厭深生平應得此登臨到來玉柱雲初起轉入爐峰月漸侵危磴近攀青漢接孤龕遙見紫煙沉八荒銀海須臾變把酒長吟好自斟

杜喬林

登西目絕頂

振策躡高岑亭陰翠靄森流湍來遠壑飛鳥度深林絕嶽千山見連雲萬井沉何當招鶴侶相與一披襟

吳之甲

西目禪寺

一望孤峰雲外懸瓚坑千仞擁青蓮旃檀香細慈雲煖舍利光含慧日圓俯視羣峰皆下界夜聽萬籟又諸天徘徊蕭寺今宵月拾取繽紛五色煙

孫昌裔

翔鳳峯

峻嶒直上幾層臺翠擁芙蓉面面開六翮儼從雲外度九苞疑向穴中來行紆峭石巖邊墮坐聽懸泉樹杪迴欲覓宗門何處是虬松蒼壁點莓苔

駱駿曾

天目禮高峰祖師

白雲堆裏一峰閒  
荒蘚曾經映法顏  
幻住不妨依樹下  
活埋長合在人間  
萬緣歷盡拋行脚  
一法亡何結死關  
千古宗風誰得似  
峰前流水自潺潺

仙克謹

贈翠雲庵古道上人

一自昭明去不歸  
色空誰問異還非  
翠雲片片飛僧舍  
次第裁來補衲衣

上悟道庵

遙望山頭草一堆  
到來古剎幾低徊  
疾人說悟渾無入  
悟那知須要疾

李燁然

西方菴

結茅危磴倚重岡  
立玉亭前望渺茫  
百尺丹梯江隱見  
千年藥艸澗芬芳  
松陰深護知苔滑  
泉乳時飛怯衲涼  
說法有花天欲雨  
霧山無處不西方

黃汝亨

活埋庵

峭壁空秋色中天  
朗夜臺誰能活似  
水可復歿如灰  
翠拔羣峰瞑泉飛  
萬壑哀休言神理  
遠飛錫夢中來

解石

四番絕雲氣神仙不可見何人擘虛空巉巖分片片  
九日同明宗師登香爐峰次開之先生微字

高天九日靄晴暉直上香雲塵共揮亭倚中峰青玉  
立巖垂千丈翠華飛何人咲進黃花酒得汝時牽白  
幻影歸幽壑玄風出化城欲聞獅子吼滿地落松聲

宿西目竹房

爲問山藏寺因過竹隱僧翠華紛几席雲氣下稜層  
函丈分初月巢經朗一燈坐深清籟寂相對得心澄

禮斷崖塔

千崖應不斷問訊斷崖師起忽孤峰頂崔巍百尺枝

持  
堂虛高塔影樹老落寒姿若個成龍象依然一鉢

僧廣詢

西山得觀字

茲山不可盡况今秋未殘繡壁立千層群壑長陰寒  
取徑度飛閣攀岩臨險湍高峯上無極豁達令我觀  
嶺猿響哀嘯林鳥紛迴翰傳衣白月下解石青雲端  
探討轉奇絕間寂恣遊盤玄理豈云賴此心聊用安

高峰

一日遺丹洞千秋結化城峰危崖壁立壑險石龕清

苦行高僧臘歸依過客情生平鉢盂在松子落盈盈  
昭明寺同明宗禪師游分得層字

巖迴谷轉碧山層短屐銖衣此共登萬壑飛濤朝響  
切千峰沈靄暮烟凝臺荒帝子留殘偈錫卓高僧朗  
慧燈寥寂東來誰共賞孤松巔際白雲澄

徐文龍 得春字

孫鳳林公天目山乘成分韻賦頌

境地由來勝標題此日新已知經濟手偏篤水雲情  
鶴舞山山寂琴調樹樹春一簾清晝永著述自慙慙  
東隱德得容字

林莽開佳麗人文易感志篆籀秦漢字墨酒水山容

賦罷亭陰轉僧回蘚色封尋幽宜野望討論片宗工

吳煥 得言字

仙吏自翩翩才餘製錦言山容來席上松韻落研前  
信是曾羅斗應知思湧泉名篇從不乏誰似筆如椽

汪若極 得居字

領郡原無事看山几席餘響巖琴與答幻住鶴爲居  
五馬千峰迥候門一水如漢時循吏客仍有臥遊娛  
沈匡濟 得分字

未入潛州境雙清天下聞誅茅緇衲穩洗藥羽衣芬

霧湧翻銀浪風生掃暮雲得公山有乘無處不陽春

張兆行

立玉亭

斗削孤峯一徑懸虛亭滴翠入晴筵雲間籟響松陰  
合檻外天開石嶠連玉笋雨餘空裏現尼珠月白掌  
中圓尋幽不憚登臨遠倚杖乘風更爽然

張汝翼

秋日游天目

巖歧尋幽遍遠山境來流水聽潺湲風高梵磬聲聲  
杳秋早疎枝葉葉斑百態雲霞呈几席幾村煙火隔

塵寰吹笙緱嶺人如玉不羨真丹可駐顏

吳之鯨

初登天目宿活埋菴

曲蹊穿藤杖遙呼為喚羣指間皆浩淼坐處即氤氳  
澗落花疑雪巖飛翠作雲且投峰半宿茗椀貯清芬

活埋菴

深松藏小閣虛瀨薄雲天坐入中峰定香爐生紫烟

慈雲石

蒼巖護松龕結跏趺虛半席何以名活埋了然惟此石

戴澳

過水竹居

山僧真好客相見卽驩然坐我修竹下觴我清溪邊  
山午不知暑心閑渾是禪僕夫促我去臨別更留連  
宿幻住菴爲達泉上人

雲臥臨危崖五月氣猶蕭到枕夜來聲松風與巖瀑  
曾鳳儀

天目道中口占

天目山頭雲不開瀑流千澗響如雷任教終日滂沱  
雨我亦衝泥策杖來

題高峰禪師真像

禪師何日自西來幻相猶留千尺崖法界久無獅子  
吼清泉百道半天開  
本來無住亦無身生滅何當墮劫塵見說中峰傳妙  
鉢來時便是去時人

袁崇煥

禮高峰禪師

怪石何年闢真身此日存死關圖活計幻境構空門  
七劫良非偶三宗獨爾尊憐予迷愛毒頂禮可無言  
高峰蛇骨塔

十八年來向死關此關打破更無關臨行不帶皮囊

去爭得流傳到世間

徐嘉泰

陪王司尊上天目

名山儘可覓遺封天目西來又一峰  
靈劈削開真瀑布僧家裁剪盡芙蓉  
紫薇芳訪星爲客白雪高歌品是龍  
自愧風塵情未斷陪談勝似聽清鐘

宋奎光

於潛道中望天目

石磴上盤雲千巖曙色分樓臺青靄出  
鐘磬紫霄聞朝朝影棲巒夜夜群神仙  
如可乘從此謝塵氛

高宗舉

悟道松

高懸絕壁孤亭空落花滿地生春風  
夕陽千古凭欄意玉柱峰前一樹松

商維濟

詠天目

不憚攀危磴巉巖幾洞門月寒霜葉底  
瀑急雨巖濤清灑無塵趣畱連欲卜鄰  
况復新題詠山山生彩雲

達觀

題斷崖

行到山窮水盡頭斷崖壁立使人愁誰知別有通天  
路縱爾猿猴不敢遊

活埋庵

三十餘年抱死關那來魂夢落青山臨行白骨無藏  
處擲向金毛舌上安

又

自古名高累不輕飲牛終是上流清吾師未死先埋  
却猶向巢山頂上行

王在公

幻住二首書贈達泉上人

雨過空山別一天道人無事聽飛泉從今萬慮真如  
洗不向人間漫說禪

又

斜陽纔過小庵龕千山萬山青于藍振錫雲中原是  
幻幸留衣鉢在東南

贈洞聞

幾楹精舍近流泉終日焚香絕世緣世上有花堪供  
佛山中無暑可安禪行來虎跡樵初掃坐見雲根鳥  
獨穿駐錫有師山不俗我今聊賦卜居篇

馬似龍



午月宿天目環翠堂

閒來尋古寺遙望白雲端  
雨過千林潤山深五月寒  
烟霞愜幽興翰墨出奇觀  
暫借繩牀宿塵緣了不干  
須之彥

雨宿水竹山房

揉却空中翠傾將下界分  
窓明千竹雨水冷一蹊雲  
樹色低還合鐘聲濕不聞  
山僧能愛客燒燭意殷殷  
姚 鏜

西方庵

琳宇開安養莊嚴慧日輝  
雲深僧乍定松老鶴相依

潭水流功德鐘聲落翠微  
凌迎忽何處幾許逗青機

玉柱峰

髣髴插天青迢迢入睿冥  
根應盤地軸秒儼薄流星  
表潤瓊無色支傾山有靈  
孤筇何日事此處好鐫銘

香爐峰

層峰矗立倚雲端玉女金倪  
萬勿看霧縠灑空猶篆  
裊霞衣銜日尚螭蟠恍疑天  
窺空偏近欲擷瑤華秀  
可餐勝地料無塵跡到飛仙  
笙雀幾盤桓

立玉亭

絕巘孤亭碧漢連陰森蒼玉鎖  
寒煙蕭蕭竹韻鸞初

西天目志  
翥設設松花鶴正騫  
簷瀑欲飛晴日雨  
岡巒半吐火  
中蓮名山咫尺無  
能到夢想簾楹思  
惘然

馬配乾

香爐峯

蓬萊翠擁護晴煙  
金塔燈輝篆靄連  
峭削爐峯孤拔  
地扶疎灌木鬱  
參天香花入暮澄  
寒雨鐘鼓隨風習  
夜禪從此振衣天  
路近塵心一洗世  
中緣

西方庵

大壑叢林石徑連  
雲龕龍象靄嵐煙  
瀑泉亂湧鋪金地  
高嶺平開堯率天  
夜靜深林宿鳥啼  
徐為宗日高鹿苑  
傍

花眠我來頓悟傳  
燈法處處紅開九  
品蓮

徐應聘

題幻住菴

幻形聊住白雲關  
天卷楞嚴萬疊山  
松裡梵音泉裡  
磬天風吹下到人  
間

劉暹

天目煮礦有感

頻年旱魃已相侵  
蒲目黃埃苦更尋  
不信聚沙成佛  
塔却教點鉄化黃  
金小僧隱匿深林  
杳野老吞聲白日  
陰咫尺帝闈如可  
叩聖明應痛賤臣  
心

沈緒蕃

曉起看雲海

望到天邊第幾隈  
茫茫混混浪為猜  
那知楊子濤無響  
始信峩眉雪有堆  
空色色空均大化  
雨風風雨有時來  
無端爾我空相愕  
記得天開人未孩

陳祖苞

三月三日伏龍橋野酌

去年寒食婁江畔  
今歲班荆浮玉前  
五斗去留誰是  
崇百壺盡不  
總猶仙奔流花照全無影  
巨石橫空半  
有天日落借  
春烟似織冰心何處更能然

陳之龍

重游天目

爲愛名山續舊遊  
霜苔石蹬路悠悠  
半空落葉無邊響  
絕壁寒泉不住流  
靈蛻空遺千古事  
濁醪堪解百年愁  
俯看夕照雲如錦  
猶有奇觀天際浮

謁高峰

兩目舊經過  
獅巖勝槩多  
乍開千丈霧  
頓祛一生魔  
歲月空在  
苒山溪長  
薜蘿重來增感慨  
世事已江河  
章嘉禎

謁昭明庵

禪林天下稱蕭寺惟有此庵真姓蕭地以分經成淨  
土池開洗眼在青霄危巒疊嶂圍寒翠竹韻松風供  
寂寥見說讀書臺幾處離離荒草野烟飄

爲達泉道者書

樹杪峰巒杖策過斷崖幻住兩行窩遙看下界成銀  
海萬點青螺湧白波

咏中雲庵

天目山頭訪洞聞千巖萬壑獻奇芬中雲庵在雲中  
住吾汝相逢總是雲

洪恩

閣中聽雨

玉屏羅錦帳因得聽蕭蕭世念秋同盡流光露易消  
山嵐蒸夜雨松吹落寒潮幾卷經殘在晨昏度寂寥  
月夜對雪

雪晴寒月皎相與倒銀缸石涌千尋浪山橫一帶江  
肖花森玉樹學絮點疏窓何暇閒分析形名詎有雙  
巖錫

宿雙清庵

百道泉聲折林端樹樹秋倚天開絕頂峭地起危樓  
幽夢虛高枕禪心結勝遊曉鍾聞遠寺雲色在峰頭

呂胤初

讀張生去浮天目紀遊

連天渾瀚海是地盪銀波非雨泉聲急因風松籟過  
懸知遊屐徧題句獨君多徒有登臨興山靈笑我何  
巖爾珪

秋日同張去浮諸友宿天目水竹房

只聞黃葉下偏喜竹陰澄遠俗無如此相逢盡是僧  
夜雲遲石磴秋月共壺冰爾汝從茲別依依向夕暉

劉名世

巖惺侯丈同張去浮遊西自不克追陪

原擬追遊屐其如公務羈好將山水意隨處試標題  
筆落烟霞起詩成風雨遲亦知千古事徒逐夢魂西

沈士茂

禮高峰祖師塔二首

一鉢空餘般若香千巖叢裡證無方那伽坐到無言  
處不面彌陀只面牆

抖擻精神白鍊剛拋下蒲團萬仞銜驀然了却歸何  
處留作千秋古道場

如澆

天目雲海

曉雲結雲海縱日望不斷孤高天日峰涓沒僅容半  
疑泛海門秋寧無帆影亂捲壑起風濤轉眼弄奇幻

常云雲子心海書凡此賦惟神重  
賦惟公賦公賦一賦一會志深請變不辭  
吾世自奉命新賓客宴會無賦豐艱至為不  
無不文云  
賦不盡以代一朝如長交至唱味父敬母淑  
日射如父之不及並物今以未云入升于

游西天目詠

天啓元年之末春孫太尊命某遊天  
目乘遺隨地口占不敢參入諸名什

別為  
一快

張之采

入潛遇趙明卿止宿

蕭寺難為別潛陽仍再過故人應戀戀燒燭夜如何

潛令公招飲賦謝

是日擬登天自公招集樂只  
堂演紅葉記嚴惺侯諸學師

與玩易  
孺在焉

政買登山屐還從飲在公開筵依樂只作劇演題紅  
師友皆同調文章誰獨雄亦知良晤少分手肯匆匆

天目望雲

夜雨鐘聲咽晴巒樹色葱  
願瞻雲漸起雲起西湖中  
西湖與天日片片白雲同  
何處吾親舍依稀望欲窮  
同嚴惺疾王文烈先生幻住見七歲沙彌夜課  
跌坐深山裏西風梵籟過  
寒侵病後骨燈照覺來魔  
莫訝沙彌小須知念佛多  
吾儕貪愛毒相顧嘆蹉跎

幻住懷呂白榆師

亦知身是幻况更遠塵囂  
借宿僧寮榻烹茶衲子瓢  
溪聲驚夢雨雲湧沒山湖  
誰共尋幽寄松風破寂寥

紫葢峰

曲登山道人幾家石梁流水漾晴沙  
巖深宿雨千峰

雪林寂煙消一縷茶月映碧潭澄翠  
蘚朝來紫葢簇  
丹霞漫携方外芒鞋杖期向仙人覓棗瓜

玉柱峰

絕竄撐空一壁斜羣峰簇擁半煙霞  
泉飛北斗青天  
迥地拔中峰紫氣餘秋到白雲推客賦  
夜同明月散  
天花峰頭慧遠應留錫政好逃禪轉法華

又

玉柱峰腰雲漫連振衣獨立思悠然  
幾山隱見無雲  
處點點螺浮海上旋

絕頂看雲為僧漚如說偈

白浪非緣海青螺卽是山眼前皆妙理何必問禪關

此風流欲合亦無不可於是不孝舉身歸決句

凡某日宜某客某家宜某侍下至僕御下賤之

家亦有加一皆吾母爲之區畫方期

度以至於無算何期此舉之不能復也

吾母以壽登花甲治觴畢卽携不孝往武林作

返勞頓精神漸覺恍惚一日憑不孝肩

房說不孝手頓覺神思離異

文德齋

